

اتوار 23 نومبر، 2025

مضمون۔ جنتے بدن

سنہری متن: رومیوں 12 باب 1 آیت

”ایس لئی اے بھراؤ۔ میں رب دیاں رحمتاں یاد کرا کے تہا تھوں درخواست کرداواں پئی اپنے بدن اجیہی قربانی ہون لئی نذر کرو جیہڑی زندہ تے پاک تے رب نوں پسندیدہ ہووے۔ ایہہ ای تہاڈی معقول عبادت اے۔“

جوابی پڑھائی: یرمیاہ 31 باب 10 توں 14 آیتاں

10۔ اے قومو! رب دا کلام سنو تے دور دے جزیریاں وچ منادی کرو تے آکھو پئی جنسے اسرائیل نوں تتر بتر کیتا اوہ ای اوہنوں اکٹھا کرے تے اوہدی اجیہی نگہبانی کرے جیویں گڈ ریا اپنے گلے دی۔

11۔ کیوں جے خداوند نے یعقوب داندیہ دتا اے تے اوہنوں اوہدے ہتھوں جیہڑا اوہدے توں زور آورسی رہائی دتی۔

12۔ ایس لئی اوہ آؤن گے تے صیہون دی چوٹی اُتے گاؤن گے تے خداوند دیاں نعمتاں یعنی اناج تے مے تے تیل تے مجھاں گانواں دے تے بھید بکریاں دے پچیاں ول اکٹھے ٹرن گے تے اوہناں دی جان سیراب باغ وانگر ہووے گی تے اوہ فیر کدی دُکھی نہ ہون گے۔

13۔ اوس ویلے کنواریاں تے وڈھے تے جوان خوشی نال بچن گے کیوں جے میں اوہناں دے دُکھ نوں خوشی وچ بدل دیواں گا تے اوہناں نوں تسلی دے کے دُکھ توں بعد خوش کراں گا۔

14۔ تے میں کاہناں دی جان نوں چکنائی نال سیر کراں گاتے میرے لوکی میریاں نعمتاں نال رجھن گے خداوند آکھدا اے۔

درسی وعظ

بائبل وچوں

1۔ زبور 1107 توں 9 آیتاں

- 1۔ خداوند اشکر کرو کیوں جے اوہ چنگا اے تے اوہدی شفقت ہمیشہ دی اے۔
- 2۔ خداوند دے چھڑائے ہوئے ایہہ آکھن۔ جنہاں نوں اوہنے فدیہ دے کے ویری دے ہتھوں چھڑایا۔
- 3۔ تے اوہناں نوں دیس دیس وچوں اکٹھا کیتا۔ پورب توں پچھم تیکر۔ اتر توں دکھن تیکر۔
- 4۔ اوہ بیابان وچ صحرا دی راہ اُتے بھٹکدے پھرے۔ اوہناں نوں وسن لئی کوئی شہر نہ ملیا۔
- 5۔ اوہ گھگھے تے تریائے سی تے اوہناں دا دل میٹھدا جاندا اسی۔
- 6۔ تداپنی مصیبت وچ اوہناں نے فریاد کیتی۔ تے اوہنے اوہناں نوں اوہناں دے دکھاں توں رہائی دتی۔
- 7۔ اوہ اوہناں نوں سدھسی راہ توں لے گیاتاں جو وسن لئی کسے شہر وچ جا پڑن۔
- 8۔ کاش پئی لوکی خداوند دی شفقت دی خاطر تے بنی آدم لئی اوہدے عجیب کماں دی خاطر اوہدی وڈیائی کردے!
- 9۔ کیوں جے اوہ ترسن والی جند نوں رجھاؤندا اے۔ تے پگھی جند نوں نعمتاں نال مالا مال کردا اے۔

2- متی 12 باب 1 (توں؛) 22 توں 29 آیتاں

- 1- اوس ویلے یسوع سبت دے دن کھیتاں وچوں ہو کے گیا
- 22- اوس ویلے لوکی اوہدے کول اک انھے گنگے نوں لیائے جیدے وچ بدروح سی۔ اوہنے اوہنوں چنگا کر دتا، ایس طرح خنگا بولن تے ویکھن لگ گیا۔
- 23- تے سارا جتھا حیران ہو کے آکھن لگ گیا پئی ایہہ داؤد ابتر اے؟
- 24- فریسیاں نے سُن کے آکھیا پئی ایہہ بدروح اں دے سردار۔ بلز بول دی مدد توں بغیر بدروح اں نوں نئیں کڈھدا۔
- 25- اوہنے اوہناں دے خیالاں نوں جان کے اوہناں نوں آکھیا جیس بادشاہی وچ پھٹ پیندی اے اوہ ویران ہو جاندی اے تے جیس شہر یا گھر وچ پھٹ پوے گی اوہ قائم نہ رہوے گا۔
- 26- تے جے شیطان نے ای شیطان نوں کڈھیا تے اوہ آپ اپنا مخالف ہو گیا۔ فیر اوہدی بادشاہی کیوں قائم رہوے گی؟
- 27- تے جے میں، بلز بول دی مدد نال بدروح اں نوں کڈھداں تے تہاڈے پتر کیدی مدد نال کڈھدے نیں؟ ایس لئی اوہ ای تہاڈے منصف ہون گے۔
- 28- پر جے میں رب دے روح دی مدد نال روحاں نوں کڈھداں تے رب دی بادشاہی تہاڈے کول اپڑ گئی اے۔
- 29- یا کیوں کوئی بندہ کسے زور والے بندے دے گھر وچ وڑھ کے اوہداسار اسامان لٹ سکدا اے جد تیکر پئی پہلاں اوس زور والے بندے نوں بنھ نہ لووے؟ فیر اوہ اوہد اگھر لٹوگا۔

3- متی 16 باب 12 توں 19، 24 توں 27 آیتاں

12- تداوہناں دی سمجھ وچ آیا پئی اوہنے روٹی دے خمیر توں نیں بلکہ فریسیاں تے صدوقیاں دی تعلیم توں خبردار رہن نوں آکھیاے۔

13- جدوں یسوع قیصریہ فلبی دے علاقے وچ آیتے اوہنے اپنے چیلیاں نوں ایہہ بُجھیا پئی لوک ابنِ آدم نوں کیہ آکھدے نیں؟

14- اوہناں نے آکھیا کئی یوحنا پتسمہ دین والا آکھدے نیں کئی ایلیاہ کئی یرمیاہ کئی نبیاں وچوں کوئی۔

15- اوہنے اوہناں نوں آکھیا پر تسی مینوں کیہ آکھدے اوہ؟

16- شمعون پطرس نے جواب وچ آکھیا توں جیوندے رب داپتر مسیح ایں۔

17- یسوع نے جواب وچ اوہنوں آکھیا دھن ایں توں شمعون بریوناہ کیوں جے ایہہ گل گوشت تے لہونے نیں بلکہ میرے پیو نے جیہڑا آسمان اُتے اے تیرے اُتے ظاہر کیتی اے۔

18- تے میں تینوں آکھداواں پئی توں پتھر ایں تے میں ایس پتھر اُتے اپنی کلیسیا بنانواں گاتے عالم ارواح دے بوہے اوہدے اُتے غالب نہ آؤن گے۔

19- میں آسمان دی بادشاہی دیاں کنجیاں تینوں دیواں گاجو کجھ توں دھرتی اُتے بنھیں گا اوہ آسمان اُتے بنھیاں رہوے گاتے جو کجھ دھرتی اُتے کھولیں گا اوہ آسمان اُتے کھلیاں رہوے گا۔

24- اوس ویلے یسوع نے اپنے چیلیاں نوں آکھیا پئی جے کوئی میرے مگر آؤنا چاہو وے تے اپنی خودی دا انکار کرے تے اپنی سولی آپ چھکے تے میرے مگر ٹرپو وے۔

25- کیوں جے جیہڑا وی اپنی جان بچاؤنا چاہو وے اوہنوں گواوے گاتے جیہڑا کوئی میری خاطر اپنی جان گواوے گا اوہنوں پاو وے گا۔

26- تے جے بندہ سارا جگ حاصل کرے تے اپنی جند دا نقصان پاو وے تے اوہنوں کیہ فائدہ ہو وے گا؟ یا بندہ اپنی جند دے بدلے کیہ دیو وے گا؟

27- کیوں جے آدم داپتر اپنے پیو دے جلال وچ اپنے فرشتیاں دے نال آوے گا۔ اوس ویلے ہر کسے نوں اوہدے کماں دے مطابق بدلہ دیوے گا۔

4- متی 6 باب 19 توں 21، 24، 25، 33 آیتاں

19- اپنے لئی دھرتی اُتے مال اکٹھا نہ کرو جتھے کیڑا تے جنگل خراب کر دالے تے جتھے چور نقب لاکے چوری کر دے نیں۔

20- بلکہ اپنے لئی اسمان اُتے مال اکٹھا کرو جتھے نہ کیڑا خراب کر دانہ جنگل تے نہ او تھے چور نقب لاکے چوری کر دے نیں۔

21- کیوں جے جتھے تیر مال اے او تھے تیر ادل وی لگیار ہووے گا۔

24- کوئی بندہ دو مالکاں دی سیوانئیں کر سکدا کیوں جے یاتے اک نال ویر رکھے گاتے دو جے نال پیار، یا اک نال ملیا رہو وے گاتے دو جے نوں ناچیز سمجھے گا۔ تسی رب تے دولت دونواں دی سیوانئیں کر سکدے۔

25- ایس لئی میں تہانوں آکھداواں پئی اپنی جند دی فکر نہ کریو پئی اسی کیہ کھانواں گے یا کیہ پیواں گے؟ تے نہ اپنے بدن دی پئی کیہ پانواں گے؟ کیہ جند خوراک توں تے بدن پوشاک توں ودھ کے نیں؟

33- بلکہ تسی پہلاں اوہدی بادشاہی تے اوہدی راستبازی نوں لہھوتے ایہہ ساریاں شیواں وی تہانوں مل جان گیاں۔

5- 2 کرنتھیوں 5 باب 1 توں 9 آیتاں

1- کیوں جے اسی جان دے آں پئی جدوں ساڈا خیمہ دا گھر جیہڑا دھرتی اُتے اے سٹ دتا جاوے گاتے ساہنوں رب ولوں آسمان اُتے اک اجیہی عمارت ملے گی جیہڑی ہتھ دا بنیا ہو یا گھر نیں بلکہ ابدی اے۔

بائبل دا ایہہ سبق پلین فیلڈ کرچن چرچ، آزاد ولوں تیار ہو یا ہے۔ ایہہ کنگ جیمز بائبل ویاں آیتاں تے میری بیکراڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

2۔ ایس لئی اسی ایہدے وچ کراہنے آں تے وڈھی امید رکھدے آں پئی اپنے آسمانی گھر نال ملبس ہو جائیے۔

3۔ تاں جو ملبس ہوون دے پاروں ننگے نہ پائے جائیے۔

4۔ کیوں جے اسی ایس خیمے وچ رہ کے بوجھ دے مارے کراہنے آں۔ ایس لئی نسیں پئی ایہہ کپڑے لاونا چاؤنے آں بلکہ ایہدے اُتے ہو رپاونا چاؤنے آں تاں جو اوہ جیہڑا فانی اے حیاتی وچ غرق ہو جاوے۔

5۔ تے جنسے ساہنوں ایس گل لئی تیار کیتا اوہ رب اے تے اوہنے ای روح بیجانے وچ دتی۔

6۔ ایس لئی ہمیشہ ساڈی خاطر جمع رہندی اے تے ایہہ جان دے آں پئی جدوں تیکر اسی بدن دے وطن وچ آں خداوند دے وطن توں جلا وطن آں۔

7۔ کیوں جے اسی ایمان اُتے اُتے آں نہ پئی اکھیاں دے ویکھے اُتے۔

8۔ ایس لئی ساڈی خاطر جمع اے تے ساہنوں بدن دے وطن توں وکھ ہو کے خداوند دے وطن وچ رہنا بوجھتا منظور اے۔

9۔ ایسے پاروں اسی ایہہ حوصلہ رکھدے آں پئی وطن وچ ہوئے بھانویں جلا وطن اوہنوں خوش کریے۔

6۔ رومیوں 12 باب 2 آیت

2۔ تے ایس جہان دے ہم شکل نہ بنو بلکہ سیان نویں ہو جان نال اپنی صورت بدل دے جاؤ تاں جو رب دی نیک تے پسندیدہ تے کامل مرضی تجربے نال پتا کر دے جاؤ۔

سائنس تے صحت

بائبل دا ایہہ سبق پلین فیلڈ کرسچن چرچ، آزادولوں تیار ہو یاے۔ ایہہ کنگ جیمز بائبل ویاں آیتاں تے میری بیکراڈ پی وی لکھی ہوئی کرسچن سائنس دی ورسی کتاب، ”سائنس تے صحت آیتاں وی کنجی دے نال“ وچوں لیاں ہوئیاں لازمی تحریراں نال بنیاں۔

1- 21-20:466

جند یا روح رب دے علاوہ کسے ول اشارہ نئیں کردی۔ نہ کوئی محدود جند اے نہ روح اے۔

2- 14:310 (سائنس) 20-

سائنس روح نوں رب دے طور تے، پاپ تے موت توں مبرا، حیاتی تے ذہانت دے طور تے ظاہر کردی اے جیدے آلے دوالے ہم آہنگی دے نال سیان دے نظام وچ ساریاں شیواں گردش کردیاں نئیں۔

روح بدلدی نئیں۔ عام طور تے ساہنوں ایہہ سکھایا جاند اے پئی اک انسانی جند ہندی اے جیہڑی پاپ کردی اے تے روحانی طور تے گواچ جاندی اے، اوہ جند گواچ سکدی اے تے فیروہی لافانی ہو سکدی اے۔

3- 19-2:8-6:477

جند لئی انسان مادی رہائش نئیں اے؛ اوہ آپ روحانی اے۔ جند یعنی روح ہونا نامکمل یا مادی وچوں کسے وچ وکھالی نئیں دیندا۔

سوال: بدن تے جند کیہ نئیں؟

بائبل دا ایہہ سبق پلین فیلڈ کرچن چرچ، آزادولوں تیار ہو یاے۔ ایہہ کنگ جیمز بائبل ویاں آیتاں تے میری بیکراڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیااے۔

جواب: شناخت روح داپر چھانواں اے، اوہ پر چھانواں جیہڑا الہی اصول، یعنی پیار دیاں کئی شکلاں وچ پایا جاندا اے۔ جند مادہ، حیاتی، انسان دی ذہانت اے، جیدی انفرادیت ہندی اے پر مادے وچ نئیں۔ جند روح توں گھٹ کسے شے دا پر چھانواں نئیں بن سکدی۔

انسان روح دا اظہار اے۔ بھارتیاں نے بنیادی اصلیت دیاں کجھ جھلکیاں پھڑیاں نیں، جدوں اوہناں نے اک سوہنی جھیل نوں ”وڈھی روح دی مسکراہٹ“ دانناں دتا۔ انسان توں وکھ، جیہڑا جند نوں ظاہر کردا اے، روح غیر دیوتائی ہووے گی؛ انسان جیہڑا روح نال دریافت شدہ اے، اپنی الوہیت گوا دیوے گا۔ پر ایہتھے جیہی کوئی وند نئیں اے تے نہ ہو سکدی اے، کیوں جے انسان رب دے نال اکٹھا وجود رکھدا اے۔

4- 467:17-28 (توں دو جی)

سائنس جان، روح نوں بدن وچ غیر موجود ظاہر کردی اے، تے رب نوں انسان وچ نئیں بلکہ انسان دے راہیں منعکس ظاہر کردی اے۔ وڈھا کتر نئیں ہو سکدا۔ ایہہ عقیدہ پئی وڈھا کتر وچ ہو سکدا اے اک غلطی اے جیہڑی ناکام ہو جاندی اے۔ جان دی سائنس وچ ایہہ اک صاف نقطہ اے پئی اصول اپنے خیال وچ نئیں ہندا۔ روح، جان انسان وچ محدود نئیں اے، تے مادے وچ کدی نئیں ہندی۔ جد اسی ایہہ نتیجہ کڈھ لینے آں پئی مادہ روح دا اثر اے، تے اسی اثر توں لے کے وجہ تیکر دانا مکمل تجزیہ کردے آں؛ پر اک پہلا تجزیہ مادی وجودیت نوں خفیہ طور تے ظاہر کردا اے۔ روح اصلی دماغی خیال دیندی اے۔ اسی مادے دے راہیں روح، سیان دی تشریح نئیں کر سکدے۔ مادہ نہ ویکھدا اے، نہ سُن دا اے تے نہ محسوس کردا اے۔

5- 204:6- (عقیدہ) 30

ایہہ عقیدہ پئی رب مادے وچ رہند اے شرک اے۔ اوہ غلطی جیہڑی آکھدی اے پئی روح بدن وچ اے، سیان مادے وچ اے، تے چنگیائی بدی وچ اے اوہنوں اپنے ایہہ لفظ واپس لینے چاہیدے نیں تے اجیہیاں گلاں توں پرہیز کرنا چاہید اے؛ نیں تے رب انسان توں لگیا رہنا ای جاری رکھے گا تے انسان ایہہ جانن توں بغیر ای پئی اوہ پاپ کر رہے نیں پاپ کردے رہن گے، روح دی بجائے مادے وچ دھیان کرن گے، لنگڑے پن نال ڈگمگاؤن گے، نشے وچ ڈگ پین گے، بیماری نال فنا ہون گے تے ایہہ سب کچھ اوہناں دے انھے پن، رب تے انسان دے بارے اوہناں دی جھوٹی سمجھ دے پاروں ہووے گا۔

6- 18-15:207

بدن پہلاں تے روح اخیر وچ نیں اے؛ نہ ای بدی چنگیائی توں بوہتی طاقت والی اے۔ ہستی دی سائنس آپ سامنے آؤن والے ناممکنات توں انکار کردی اے؛ جیویں پئی وجہ تے اثر وچ غلطی تے سچائی دی آمیزش۔

7- 15-3:265

جیویں جیویں سچائی تے پیار دی دولت ترقی پاندے نیں انسان اوہ سب تناسب نال روحانی وجودیت نوں سمجھد اے۔ انسان نوں رب ول متوجہ ہونا چاہید اے تے اوہناں دے مقصد تے احساس روحانی ہوون گے، اوہناں نوں ہستی دیاں تشریحاں نوں ترقی دے نیڑے لیا نا چاہید اے، تے لا متناہی دامناسب اوراک پاؤنا چاہید اے، تاں جو پاپ تے فانیات نوں ختم کیتا جاوے۔

ہستی دا ایہہ سائنسی فہم، روح دے مادے نوں ترک کر دیاں ہوئے مکسے وسیلے دے بغیر الوہیت وچ انسان دے رُکھے پن تے اوہدی شناخت دی گمشدگی دی صلاح دیندا اے، پر انسان اُتے اک وسیع تر انفرادیت نچھاور کردا اے، یعنی اعمال تے خیالاں دا اک وڈھا دائرہ، وسیع پیار تے اک اُچا تے ہووے مستقل امن عطا کردا اے۔

8- 30-4:280

انسان دے خیالاں اُتے دھیان دین تے ہستی دی سائنس نوں رد کرن دا صرف اک ای بہانہ روح بارے ساڈی بے خبری اے، اوہ بے خبری جیہڑی صرف الہی سائنس دی سمجھ نوں من دی اے، اجیہی سمجھ جیدے پاروں اسی دھرتی اُتے سچائی دی بادشاہت وچ وڑھ دے آں تے ایہہ سکھدے آں پئی روح لامحدود تے بوہت اُچی اے۔

9- 12-5:530

الہی سائنس وچ، انسان رب یعنی ہستی دے الہی اصول دے پاروں قائم رہندا اے۔ دھرتی، رب دے حکم اُتے، انسان دے ورتن لئی خوراک پیدا کر دی اے۔ ایہہ جان دیاں ہوئے، یسوع نے اک واری آکھیا، ”اپنی جند دی فکر نہ کریو پئی اسی کیہ کھاواں گے تے کیہ پاناواں گے،“ اپنے خالق دا استحقاق فرض کر دیاں ہوئے نئیں بلکہ رب جیہڑا ساریاں دایہوتے ماں اے، اوہنوں سمجھ دیاں ہوئے پئی اوہ پنج ای انسان نوں خوراک تے کپڑے فراہم کرن دے قابل اے جیویں اوہ سوسن دے بھٹلاں نال کردا اے۔

10- 17-11:359

بھانویں تسی وٹوق نال گل کردے اوپنی مادی حساں انسان دے وجود یا ہستی لئی لازمی نیں، تے تہانوں حیاتی دے بارے انسانی سوچ نوں بدلنا چاہیدا اے تے اپنے آپ نوں روحانی تے سائنسی طور تے جاننا چاہیدا اے۔ روح تے جند دی وجودیت دا ثبوت بس روحانی سیان اُتے واضح ہندا اے، تے اوہناں مادی حساں اُتے ظاہر نیں ہندا جیہڑیاں بس اوس شے دی سمجھ ای رکھدیاں نیں جیہڑی روح دے خلاف ہندی اے۔

11- 29-8:399

ساڈے مالک نے آکھیا: ”کسے زور والے بندے دے گھر وچ وڑھ کے کوئی بندہ کیویں لٹ سکدا اے جد تیکر پئی پہلاں اوہدے ہتھ نہ بنھ لووے؟“ دو جے لفظاں وچ، میں بدن نوں کیویں شفا دے سکدا اوں، بغیر نام نہاد سیان توں شروع کیتیاں، جیہڑی براہ راست بدن نوں کنٹرول کردی اے؟ جدوں اک واری بیماری ایس نام نہاد سیان وچ نیست کردتی جاندی اے، تے بیماری دا ڈر دور ہو جاند اے، تے ایسے لئی بیماری دا علاج وی مکمل طور تے ہو جاند اے۔ فانی انسان ”زور والا بندہ“ اے، جنہوں تابع رہنا چاہیدا اے ایس توں پہلاں پئی لیسدا اثر صحت تے اخلاق اُتے مکا دتا جاوے۔ ایس غلطی نوں فتح کرن نال ”اسی زور والے بندے“ دیاں شیواں، یعنی پاپ تے بیماری نوں لٹ سکدے آں۔

12- 30-26:30

جے اسی روح نوں پورا اختیار سنبھال دی اجازت دین لئی مادی فہم دیاں غلطیاں اُتے مناسب طور تے فتح پالئی اے تے اسی پاپ توں نفرت کراں گے تے اوہنوں ہر صورت وچ رد کراں گے۔ بس ایسے طراں اسی اپنے ویریاں لئی برکت چاہ سکدے آں، حالانکہ ہو سکدا اے وہ ساڈے لفظاں نوں نہ سمجھن۔

13- 24-19:302

ہستی دی سائنس انسان نوں کامل ظاہر کر دی اے، ایتھوں تیکر پئی جیویں پیو کامل اے کیوں جے روحانی انسان دی جند یاسیان رب اے، جیہڑا ساریاں مخلوقاں دا الہی اصول اے، تے ایہہ ایس لئی پئی ایس حقیقی انسان اُتے فہم دی بجائے روح دی حکمرانی ہندی اے، یعنی شریعت دی روح دی، نہ کہ نال دے ای مادے دے قانوناں دی۔

14- 3-1:590

آسمان دی بادشاہی۔ الہی سائنس وچ ہم آہنگی دی سلطنت۔ غلطی نہ کرن والے دی ریاست، ابدی تے قادر مطلق
سیان، روح دماحول، جتھے جند اعلیٰ اے۔

15- 24-17:9

”توں اپنے سارے دل، اپنی ساری جند تے اپنی ساری طاقت نال خداوند اپنے رب نال پیار کر۔“ ایس حکم وچ بوہت کجھ شامل اے، ایتھے تیکر پئی بس مادی احساس، افسوس تے عبادت۔ ایہہ مسیحیت دا ایڈورائڈ وائے۔ ایہدے وچ حیاتی دی سائنس شامل اے تے ایہہ روح اُتے الہی قابو دی پچھان کر دی اے، جیدے وچ ساڈی روح ساڈی مالک بن جاندی اے تے مادی حس تے انسانی مرضی دی کوئی تھاں نہیں رہندی۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“، الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کر دیاں ہوئے، سبھی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیش گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چُستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔